

Lêerno.: 13/10/1/2
Verwysing: 20231030-9246

Omsendbrief: 0030/2023
Vervaldatum: Geen

Aan: Adjunk-direkteurs-generaal, Hoofdirekteure, Direkteure (Hoofkantoor en distrikskantore), Adjunkdirekteure, Hoofonderwyskundiges, Hoofde: Kurrikulumondersteuning, Hoofde: Bestuur en Beheer, Adjunk-hoofonderwyskundiges, Kringbestuurders, Vakadviseurs en Hoofde van inrigtings in die Algemene Onderwys-en-Opleidingsband

Kort opsomming: *Spesiale punte-aanpassing en kondonasiebedeling.*

Onderwerp: Spesiale punte-aanpassing en kondonasiebedeling vir leerders in graad 4 tot 9

1. Die Departement van Basiese Onderwys het Nasionale Assesseringsomsendbrief 02 van 2023, gedateer 21 Oktober 2023, uitgereik, waarin duidelikheid gegee word oor die toepassing van die spesiale punte-aanpassing en kondonasiebedeling in 2023 en daaropvolgende jare vir leerders in graad 4 tot 9.
2. Verskeie navorsingsinisiatiewe het bevestig dat leerverliese wat voortspruit uit die ontwrigtings wat deur COVID-19 veroorsaak is, steeds algemeen in die stelsel voorkom. Om hierdie rede moet spesiale punt-aanpassings en kondonasiebedelings vir leerders in graad 4 tot 9 toegepas word totdat die Nasionale beleid met betrekking tot die program- en bevorderingsvereistes van die Nasionale Kurrikulumverklaring Graad R tot 12, soos gepubliseer in Goewermentskennisgewings 1115 en 1116 in *Staatskoerant* No. 36042 van 28 Desember 2012, hersien word.
3. Nasionale Assesseringsomsendbrief 05 van 2022, gedateer 05 Oktober 2022, (**Bylae A**), sal in sy geheel van toepassing wees; die enigste verklaring wat bygevoeg word, is dat die aanpassingsbedeling slegs geld waar die slaagvereistes van 40% en 50% nie bereik is nie. Dit impliseer dat 'n punt tussen 25% en 29% nie aangepas kan word nie. **Dit sal slegs graad 7 tot 9 beïnvloed.**
4. Die punte-aanpassing en kondonasiebedeling vir 2023 en daaropvolgende jare is soos volg:
 - 4.1 Punte-aanpassings geld slegs vir graad 4- tot 9-leerders.
 - 4.2 'n Punte-aanpassing van hoogstens **5%** word toegelaat in 'n maksimum van enige **drie vakke** wat die leerder neem.

- 4.3 **Vervolgens** moet 'n kondonasië in Wiskunde toegepas word. Indien 'n leerder aan al die vereistes vir vordering (vir graad 4 tot 6) of bevordering (vir graad 7 tot 9) van een graad na die volgende voldoen het, maar **nie 'n vlak 3 (40%) in Wiskunde** behaal het nie, en om hierdie rede teruggehou moet word, moet die leerder in Wiskunde gekondoneer word.
- 4.4 Sou leerders steeds, nadat aanpassings in drie vakke en 'n kondonasië in Wiskunde gedoen is, nie aan die vorderingsriglyne vir **graad 4 tot 6** voldoen nie, kan leerders steeds op grond van die prinsipaal en opvoeders by die skool se professionele oordeel **met ondersteuning vorder**.
- 4.5 In die geval van leerders wat in 2023 in graad 9 is, moet daarop gelet word dat leerders wat 'n Wiskunde-kondonasië verkry, steeds die opsie het om Wiskunde of Wiskundige Geletterdheid in graad 10 te neem.
5. Normale vorderingsbeginsels sal geld vir daardie leerders wat reeds in hierdie fase teruggehou is.
6. Skole wat die Wes-Kaapse Onderwysdepartement se programme vir optekening en verslagdoening vir graad 4 tot 9 gebruik, moet die volgende proses volg:
- 6.1 Skole **moet** die nuwe **weergawe 2**-programme, wat nou vir graad 4 tot 9 beskikbaar is, van SOBIS **aflaai** en dan die punte van hul bestaande lêers in die nuwe weergawe invoer.
- 6.2 Die aanpassings- en kondonasiëprosesse sal volledig geoutomatiseer word sodra die pers knoppie op die skedule geklik word.
- 6.3 Die skedule, verifikasieblad en verslagkaart sal die veranderinge outomaties vertoon.
7. Skole wat hul eie programme vir optekening en verslagdoening gebruik en leerders het wat deur hierdie spesiale punte-aanpassing en kondonasiëbedeling geraak sal word, moet die proses voltooi wat in die aangehegte Nasionale Asseseringsomsendbrief 05 van 2022 (**Bylae A**), met die voorbehoudsbepaling in paragraaf 3, beskryf word.
8. Die bygewerkte skedule, aanpassings- en herhalingslyste, asook die verifikasieblad moet gedruk en aan die einde van die jaar by die kringbestuurder vir verifikasie ingedien word.
9. Neem asseblief kennis dat beide die prosesse vir die kondonasiëbedeling en punte-aanpassings vanaf 2023 en in daaropvolgende jare op graad 4 tot 9 van toepassing is.
10. Prinsipale van skole wat graad 4 tot 9 aanbied, word vriendelik versoek om die inhoud van hierdie omsendbrief met alle opvoeders te deel.

GETEKEN: B WALTERS

HOOF: ONDERWYS

DATUM: 2023-11-06